



Dadjuga dem blakerafe ge

Kotunafa belca. Abicedje, dadjuga dem blakerafe ge (*Calidris alpina*) va xatoy maitalad lize va tikraytara keyed. Tictalad aze laizon tojloyad. Koafima remstir viele dimtalad, kabdunedison va witlevak. Waroldon ton kotunafa belca, gin titlad ; azon dum vipa bene terok, sinaf milk gin tittalar abdiida italar.


Tokkane bati zveri sinton poketalasi bak talara va sint lajumeklantawed ? Tokkani va niarura sugdavar ? Men gruped. Rotir abiki zveri va nyapesik ik okilik yordad numen arak va sinafa tura vere milaskir. Bak lamara, dadjuga dem blakerafe ge va kallie vas 70 ik 85 km- fuxe bartiv rofir. Moe soktaxo, va siuda dem dile loon vuntvoyi zveri tadler. Tildeson, siuda lente suka raney. Dadjuga dem blakerafe ge gu domegaf ipomdunolam is aryona dadjugindja katanad. Va sina vultesa wale *Numenius* oxilok vegunon ice aryon koyapasik mal kotafa Arktika dere rowit. Maltalara van geeka mali accu ke anyusteaksat tenuwer. Lobat lamask koe Franca (150000 ik 340000) is Magriba (200000 ik 600000) is kene krimta ke Britana is Nederlanda is Pokefa Roneka voxis vagee Tanarasokeem fentugalud.

Betawesa kseva. Fentugalon, zveri tir supiafi loon dam bak imwugal : ast is ge tid loon lukoptafe isen ebeltafa kretska ke jivot griawir. Inafa mal-esturinda kare cadim dere betawer : ini va felemoya beza divatoyasa koe ruga voxis varteba idulugalon impavantar ; va leskomo is tulwadunol trasin koe dremxo is vektas vas benev ok gerianta, fentugalon galromer. Dadjuga dem blakerafe ge tir ke lan katcatum begamus wale naelaflu ivamu is lentef laksiwak vas mon 70°. Lizukon, va 84° wak kallatar, tulon koe Nunataa is Svalbard tursia is Sibira. Geeon, va 60° laksiwak koe Alaska is Kamctatka kaitalar. Inafa tigira tir aname kotlize tittalar nael, vaxe Labrador gola.

Abrotce : 17 - 19 cm-.
Aldo : 45 - 60 gr-.
Wiltade : 36 cm-.
Bilirugal : 14 tanda is accu.



Kotlize dadjuga dem blakerafe ge kene bira mavugalon is fentugalon Jonvieler, pune va lok ke blotem koe abdaf cirem ok ujwa zivzasa radimi bulura ke lavok trasir. Avlamason abdulaniar ise galometeson va wipja, va oral tlagajiyamason tiplatir. Anri vukira vas ablic verast, gin abdulani. Aze gire vukir aze jontikvilve akz-. Va yon decemoy sulemam rokodayar.



Talteson, wile valevuon win. Poke levak (talteson), va uxulaf buraxutum tigis arte pand vit. Inieem tir pivotestak. Abrotce ke oral ke zveri ke Europa is taltefa Sibira tir vas 26 ik 31 mm-, voxke ke teli ke Amerika is ronefa Sibira vas 31 ik 36 mm-.



Koe ruga kote tolonga dem dadjuga dem blakerafe ge va tavavo welmotafa vas hevoy ik peroy decemiray rojar lize atoxo tigir. Ino tir suxonacka vaniamme ruweem. Balemoy Riemafa alto beretnon knetsafak bak bevakast ko atoad. Remi 22 vhid zo oवाद अने अति बरयो सार्ता एउ दिवासा.

Dadjuga dem blakerafe ge tir mielon is alifon tipes is bak tikraytar bartiv gimalestur. Va dik blot trasir koe jontikar ipomdunolam poken tigid. Kiren kota zvelinda amidon sokabudulbar isen tir amidsafe aludeve va oral tiplatir.

